



McJannetrylaan, Baysville, Oos-Londen, 5241

13 November 2018

Geagte Ouers/Voogde

VERPLIGTE SKOOLFOOIE - 2019

Op die Algemene Begrotingsvergadering wat op 12 November 2018 gehou is, is die verhoging van skoolfooie vir die jaar 2019 na **R25 520,00** goedgekeur. 'n Resolusie t.o.v. skoolfooie, betaling van skoolfooie en vrystelling/verlaging (geheel/gedeeltelik/voorwaardelik) van skoolfooie is ook goedgekeur.

Skoolfooie:

1. Die bedrag van **R1 000,00** met herregistrasie wat deur alle ouers betaalbaar is, vorm deel van die volgende jaar se skoolfooie. Alle registrasiegeld vir nuwe leerders sal R1 000,00 beloop.

Betaling van Skoolfooie:

1. Skoolfooie is vooruitbetaalbaar en die volle uitstaande bedrag moet voor of op **28 Februarie 2019** betaal word. Indien die volle bedrag nie voor of op 28 Februarie 2019 betaal is nie en/of ouers geen skriftelike ooreenkoms met die skool onderteken het voor of op 28 Februarie 2019 met betrekking tot die betaling van skoolfooie in gelyke maandelikse paaieimente nie, is die volle bedrag verskuldig en betaalbaar.
2. Indien 'n ouer nie die volle skoolfooie kan betaal nie, moet die skool se finansiële kantoor vooraf skriftelik in kennis gestel word en die skoolfooie moet dan in 'n maksimum van elf (11) gelyke paaieimente verdeel word. (Januarie tot November) Hierdie bedrag is voor die 7de van elke maand ten volle betaalbaar.
3. Die volle uitstaande skoolfooie sal onmiddellik opeisbaar en betaalbaar wees indien enige paaieiment nie op die verskuldigde datum betaal is nie.
4. By versuim om betaling ooreenkomstig 'n skriftelike aanmaning te doen, sal beide ouers aan 'n prokureur oorhandig word ten einde die skuld in te vorder, ongeag onderhouds- en hofbevele wat tussen die partye mag bestaan.
5. Die skool behou ook die reg voor om beide ouers se name as wanbetalers op die kredietburo se rekords te registreer.
6. Skoolfooie wat voor **31 Desember 2018** ten volle betaal word, kwalifiseer vir 'n 10% korting.
7. Skoolfooie wat voor **28 Februarie 2019** ten volle betaal word, kwalifiseer vir 'n 8% korting.
8. Rente van 10% per jaar sal op agterstallige bedrae gehef word.

Vrystelling/verlaging van skoolfooie:

1. Die skool aanvaar en implementeer die vrystellingsregulasie soos dit in Oktober 2006 afgekondig is.
2. Ouers wat aanvoer dat hulle nie in staat is om skoolfooie te betaal nie en op algehele, gedeeltelike of voorwaardelike vrystelling van betaling van skoolfooie aanspraak maak volgens artikel 39(4) van die Skolewet, is verplig om skriftelik by die beheerliggaam om sodanige vrystelling aansoek te doen.
3. Die onus rus op die applikant om die beheerliggaam op oorwig van waarskynlikhede te oortuig dat hy/sy op enige sodanige vrystelling geregtig is.
4. Die applikant se aansoek om vrystelling/verlaging moet:
 - 4.1 Skriftelik geskied op die voorgeskrewe vorm soos dit in die regulasies voorgeskryf is (vorms is beskikbaar by skoolkantoor).
 - 4.2 Beide ouers of enige ander persoon/persone wat kwalifiseer as ouers van die betrokke leerder/s, soos vervat in die SA Skolewet en/of enige ander verdieners in die huishouding se totale jaarlikse en maandelikse bruto inkomste en uitgawes uiteensit met dokumente ter staving.
 - 4.3 'n Volledige lys van bates (teen huidige markwaarde) en laste van beide ouers soos verwys in par. 4.2, met dokumente ter staving, bevat.
 - 4.4 Die gesinsamestelling van die applikant moet uiteensit.
 - 4.5 Aandui of daar om algehele, gedeeltelike of voorwaardelike vrystelling van betaling van skoolfooie aansoek gedoen word.
 - 4.6 Elke moontlike relevante feit wat die applikant ter ondersteuning van die aansoek wil aanvoer, bevat.

Rig alle korrespondensie aan die Skoolhool

5. Die beheerliggaam is geregtig om sodanige inligting wat na die oordeel van die beheerliggaam nodig is vir die regverdige en billike beoordeling van 'n aansoek om vrystelling van betaling van skoolfooie, aan te vra of in te samel.
6. Geen aansoek om vrystelling wat nie aan die wetlike vereistes, regulasies of ander voorskrifte voldoen nie, oorweeg sal word nie, tensy die beheerliggaam oortuig kan word dat daar buitengewone omstandighede bestaan wat die nie-nakoming van die prosedure regverdig.
7. Die beheerliggaam is geregtig om 'n aansoek om vrystelling soos hierbo bedoel, te ontvang, te oorweeg en daarvoor uitsluitel te gee of aan 'n komitee van die beheerliggaam te deleger.
8. 'n Applikant wat hom/haar verontreg voel deur 'n beslissing van 'n komitee van die beheerliggaam soos in paragraaf 7 bedoel, geregtig sal wees om **binne sewe dae** na ontvangs van die uitslag van sy/haar aansoek, skriftelik na die beheerliggaam daarteen te appelleer. Die appèl sal nie deur die beheerliggaam van die hand gewys word sonder dat die applikant die geleentheid gebied is om mondelings aangehoor te word nie.
9. Behoudens die reg van 'n applikant om na die Departementshoof van Onderwys te appelleer soos in artikel 40(2) van die Skolewet verwys, is die beslissing van die beheerliggaam finaal.
10. Die enigste maatstaf waarvolgens die komitee van die beheerliggaam sal beoordeel of vrystelling in enige opsig verleen sal word al dan nie, is of die applikant voldoen aan die kriteria vir vrystelling soos uiteengesit in die Skolewet en enige toepaslike regulasies daarkragtens uitgevaardig.
11. Hierdie besluit nie die ouer/s of die skool die reg ontnem om 'n ooreenkoms aan te gaan om die skoolfooie te betaal op 'n ander wyse as dié voorgeskryf deur hierdie besluit nie.
12. Die beheerliggaam geregtig sal wees om sodanige voorwaarde, wat hulle redelik en billik mag ag, vir vrystelling aan 'n applikant voorhou.

Debietorders:

1. Aftrekkings per debietorder sal vanaf 1 Januarie 2019 tot 1 November 2019 geskied.
2. Debietorders vir Januarie 2019 sal reeds op **7 Desember 2018** per magneetband gestuur word. Dit is die ouer/voog se verantwoordelikheid om vas te stel of die debietorder afgetrek is of nie.
3. Bankkoste as gevolg van onbetaalde debietorders sal na leerders se skoolfooierekening oorgedra word.
4. Die Hoërskool Grens wil alle ouers vriendelik versoek om van die debietorderstelsel gebruik te maak. 'n Debietorder instruksievorm is vir u gerief aangeheg. Alle nuwe debietorder instruksies moet ons asseblief voor of op **30 November 2018** bereik.

Direkte inbetalings in die lopende bankrekening:

Ouers word versoek om die leerder se naam/van en rekeningnommer as verwysing op die deposito-strokie aan te bring sodat die deposito op die bankstaat geïdentifiseer kan word.

Die skool se bankbesonderhede:

ABSA, Frere Square, Oos-Londen

Rekeningnommer: 700350258

Takkode: 632005

Kaartmasjienfasiliteite:

Kaartmasjiene is by die skool se finansiële kantoor beskikbaar.

Indien u probleme met betaling van skoolfooie of die invul van vorms sou ondervind of enige navrae het, moet u nie huiwer om skriftelik/telefonies met ons in verbinding te tree nie.

Ons wil ook van dié geleentheid gebruik maak om al ons ouers, wat hulle skoolfooie getrou betaal het en ooreenkomste stiptelik nagekom het, hartlik te bedank.

Ons wens vir u en u gesin 'n aangename Kerstyd en 'n voorspoedige Nuwejaar toe.

Vriendelike groete.

.....
H. VAN BREDA

VOORSITTER: BEHEERLIGGAAM